

Viðburðir

Síðast uppfært 23/06/2026 3:31 pm BST


Söluaðilar geta nú búið til og stjórnað viðburðum sem hafa fasta dagsetningu og takmarkað sætaframboð beint í Noona HQ. Viðburðina er síðan hægt að selja inn á Noona markaðstorginu þar sem seljandinn hefur beinan aðgang að um 170.000 notendum.

Við bókun fær kaupandinn skannanlegann miða sem hægt er að nálgast í Noona appinu og staðfestingu í tölvupósti. Miðann getur síðan söluaðili skannað við mætingu.

Kjörið ef halda á fyrirlestur, tónleika, námskeið, smakkanir, pop-up viðburði eða hvaða viðburð sem er þar sem plássíð er takmarkað.

Hvernig er viðburður stofnaður?

Það er einfalt og fljótlegt að stofna viðburði inn í Noona HQ.



1. Þú byrjar á því að fara í **valmyndina** sem þú finnur uppi í vinstra horninu.
2. Smellir á **viðburðir** sem er að finna undir **skipulag**.
3. Smellir á **bláa plús hnappinn** uppi í hægri horninu.
4. Fyllir út þær upplýsingar sem eiga við viðburðinn. Hér að neðan mun ég fara nánar yfir hvað er hægt að stilla.
5. Þegar allar upplýsingar hafa verið fylltar inn smellirðu á **bláa hnappinn** uppi í hægri horninu þar sem stendur á **stofna**.

Nú er komið að því að fylla út upplýsingar um viðburðinn:

i Upplýsingar

- Fyrst skref er að fylla út **nafn** viðburðar, **lýsingu** á viðburðinum og setja inn **mynd** sem lýsir viðburðinum.

? Tímasetning

- Hér velur þú **hvaða dag** viðburðurinn á sér stað, **klukkan hvað** og **tímalengd**.

? Staðsetning

- Einfaldlega sú **staðsetning** sem viðburðurinn á sér stað á.

? Fjöldastilling

- Fjöldastillingar skiptast í **einfaldar og flóknar fjöldastillingar**.

1. **Einfaldar fjöldastillingar:** notaðu einfaldar fjöldastillingar ef þú þarft bara að stýra heildarfjölda. Hér þarftu að setja inn **hámarksfjölda**, **lágmarksfjölda gesta** í hverri **bókun** og **hámarksfjölda gesta** í hverri **bókun**.
2. **Flóknar fjöldastillingar:** Ef þú þarft að skipta hópnum niður á mismundandi svæði eða verð skaltu nota flóknari fjöldastillingar. Þetta virkar vel fyrir VIP svæði, sitjandi/standandi og meðlimi/gesti svo eitthvað sé nefnt. Hér þarftu að búa til **svæði** og setja inn **nafn á svæðinu/verðinu**, **lýsingu**, **hámarksfjölda**, **lágmarksfjölda gesta** í hverri **bókun**, **hámarksfjölda gesta** í hverri **bókun** og **verð**.

? Verð

- Ef þú valdir **einfaldar fjöldastillingar** þá seturðu inn verðið í þessu skrefi. Hægt er að velja um **einfalt verð** og **valkosti**.
1. **Einfalt verð:** ef þú er með eitt fast verð velurðu þennan valmöguleika og setur inn verðið.
 2. **Valkostir:** ef þú ert með mismunandi verð eftir t.d. aldurhópum, VIP gestum, forsöluverði o.fl. þess háttar smellir þú á **bæta við valkosti**. Hér fyllir þú út **heiti valkostar**, **verð** og **lýsingu**. Fjöldi valkosta fer eftir því hversu mörg verð þú ert með fyrir viðburðinn.

? Netbókanir

- Hér geturðu valið hvort þú viljir **selja viðburðinn þinn á netinu** og getur sett inn **staðfestingarskilaboð** sem birtast í tölvupóstinum sem sendist út þegar viðburður er bókaður.

? Greiðslur

- Viltu taka við greiðslum við bókun og sleppa öllu umstanginu í kringum að rukka? Hér geturðu stillt greiðslurnar og valið hvort þú viljir rukka staðfestingargjald við bókun eða alla upphæðina.

? Afbókanir


- Hér geturðu stjórnað því hvort viðskiptavinir geti afbókað viðburðinn á netinu og með hversu löngum fyrirvara hægt er að afbóka.

Sér bókunarsíða fyrir þinn viðburð

Hver viðburður fær sína eigin síðu. Þegar þú hefur stofnað þinn viðburð færðu hlekk að sér lendingarsíðu fyrir viðburðinn sem þú getur deilt með þínum viðskiptavinum. Þú finnur hlekkinn að lendingarsíðunni með því að smella á viðburðinn → smella á hnappinn **afrita hlekk**.

< Noona stofan

A



Jóganámskeið - Flæði og friður

Ekki í boði lengur

mið. 01. apríl
10:00-12:00
Ármúli 25, 108 Reykjavík

8.990 kr. – 10.990 kr. á mann

Bóka

Lýsing

Taktu þér tíma fyrir sjálfan þig og komdu á endurnærandi jóganámskeið þar sem áhersla er lögð á jafnvægi, styrk og innri ró. Í tímunum vinnum við með mjúkar og styrkjandi hreyfingar, öndunaræfingar og slökun sem hjálpa til við að losa um spennu í líkamanum og róa hugann.

Námскеiðið hentar bæði byrjendum og þeim sem hafa reynslu af jóga. Hver tími er byggður upp á aðgengilegan hátt þar sem þátttakendur geta unnið á sínum eigin forsendum í notalegu og styðjandi umhverfi.

Markmiðið er að þú farir út úr tímanum með aukna vellíðan, meiri líðleika og betri tengingu við líkama og huga. Þetta er fullkomið tækifæri til að hægja á sér í amstri dagsins og gefa sjálfum sér rými til að endurhlaða orkunna.

Yfirsýn

Undir **valmynd** → **viðburðir** er að finna dagatal þar sem þú ert með yfirsýn yfir hvern mánuð fyrir sig og hvaða viðburðir eiga sér stað í viðkomandi mánuði. Á sjálfu dagatalinu birtast síðan viðburðirnir inn í þeim degi sem þeir eiga sér stað og hægra megin á skjánum er listi yfir alla þá viðburði sem eiga sér stað í mánuðinum.

The screenshot shows a calendar interface for May 2026. The main calendar grid displays dates from the 27th of May to the 7th of June. Three events are visible: 'Innri ró og ...' on May 4th (10:00 - 100%), 'Á toppinn ...' on May 15th (10:00 - 20%), and 'Jafnvægi í ...' on May 20th (11:00 - 50%). The right sidebar, titled 'Viðburðarupplýsingar', provides details for the selected event on May 20th. It includes a title 'Jafnvægi í lífi og líkama', a time slot '20. May · 11:00 - 13:00', and action buttons for 'Miði', 'Breyta', 'Afrita hlekk', and 'Eyða'. Below this is a progress indicator for 'Seldir miðar' at 10/20, a section for '3 bókanir' (3 books) with a search bar, and a list of contacts: Vera (3), Sigurður Vals (2), and Aníta Sif (5).

Seldir miðar

Á sjálfum viðburðinum á dagatalinu sérðu hversu mörg prósent af heildarfjöldanum sem er í boði fyrir viðkomandi viðburð hefur verið seldur. Ef þú smellir síðan á viðburðinn sérðu hversu margir miðar hafa verið seldir.

Leita

þarftu að finna ákveðin viðburð? Uppi í hægra horninu er leitarstíka þar sem þú getur leitað eftir viðburðum.

Breyta


þarftu að uppfæra eitthvað í viðburðinum? Þú einfaldlega **finnur viðburðinn** → **smellir á hann** → **breyta**.

Greiðslur

Viltu skoða hverjir hafa nú þegar greitt fyrir viðburðinn eða eiga eftir að greiða? Þú einfaldlega **finnur viðburðinn** → **smellir á hann** → á stíkinu til hægri á skjánum getur þú valið hvort þú viljir sjá alla sem hafa greitt eða eiga eftir að greiða og leitað eftir ákveðnum viðskiptavinum.

Eyða

þarftu að eyða viðburðinum? Þú einfaldlega **finnur viðburðinn** → **smellir á hann** → **eyða**.



Skannanlegir QR miðar

Eftir bókun fær viðskiptavinur miða með einstökum QR kóða.

Starfsfólk getur skannað miðana í HQ með „Scan Ticket“ virkni, sem merkir viðskiptavin sjálfkrafa sem mættan („Show-up“). Það er gert með því að smella á viðburðinn og velja miði.



Hvar sér viðskiptavinur miðann sinn?

Þegar viðskiptavinur hefur bókað sig á viðburð fær viðkomandi sendan tölvupóst. Í tölvupóstinum er að finna eftirfarandi upplýsingar um viðburðinn:

- Hvenær viðburðurinn á sér stað.
- Upplýsingar um viðburðinn (ef þú hefur sett inn staðfestingarskilaboð).
- Lengd viðburðar.
- Verð og hvort búið sé að greiða.
- Fyrir hversu marga var bókað.
- Afbókunarstefna.
- QR-kóði.
- Hægt að setja viðburðinn í sitt persónulega dagatal.
- Hægt að afbóka (ef það er í boði).

Ef viðskiptavinur er með Noona appið getur viðkomandi séð ofantaldar upplýsingar um viðburðinn inn í appinu ásamt því að fá áminningu 1 klst. áður en viðburðinn byrjar og getur sömuleiðis klárað að greiða fyrir viðburðinn ef það hefur ekki verið gert nú þegar.

Fullbókaður viðburður

Þegar viðburður er fullbókaður kemur borði yfir viðburðinn sem gefur til kynna að það sé fullbókað.

Viðburðir



Jafnvægi í lífi og líkama

Þri. 26. maí · 10:00–11:30

⊗ Fullbókað

Þá er það ekki fleira í bili, ekki hika við að heyra í okkur ef einhverjar spurningar vakna!🙏
